

**UNIVERSITY OF SARAJEVO
FACULTY OF SCIENCE**

Broj: 01/01-2600/6-2015
Sarajevo, 26.10.2015.

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na temelju člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-2600/5-2015 od 23.10.2015. godine, u postupku nabavke roba – Laboratorijska oprema, LOT 3 - Binokularne i trinokularne lupe sa kamerom, Dekan Prirodno-matematičkog fakulteta Univerziteta u Sarajevu je donio

ODLUKU
o izboru najpovoljnijeg ponuđača
u otvorenom postupku za dostavu ponuda

Član 1.

Prihvata se Preporuka Komisije za nabavke, broj: 01/01-2600/5-2015 od 23.10.2015. godine i ugovor za nabavku roba – **Laboratorijska oprema, LOT 3 - Binokularne i trinokularne lupe sa kamerom** dodjeljuje se ponuđaču **Analitika d.o.o. Sarajevo**, za ponudenu cijenu **11.206,46 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavki dostavit će se na potpis izabranom ponuđaču **Analitika d.o.o. Sarajevo**, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/01-2227/1-2015 od 21.09.2015. godine

Javna nabavka je provedena putem otvorenog postupka za dostavu ponuda. Procijenjena vrijednost javne nabavke za LOT 3 - Binokularne i trinokularne lupe sa kamerom bez PDV-a je 18.000 KM.

Obavijest o nabavci broj: 654-1-1-90-3-8/15 poslat je na objavu dana 21.09.2015. godine i istog dana je objavljen na Portalu javnih nabavki, a u Službenom glasniku BiH br. 76 objavljeno je 28.09.2015. godine.

Komisija za nabavku imenovana je Odlukom broj: 01/01-2227/2-2015 od 21.09.2015. godine.

Dana 23.10.2015. godine Komisija za nabavku dostavila je Zapisnik o pregledu i ocjeni ponuda kao i Izvještaj sa preporukom komisije o izboru najpovoljnijeg ponuđača za nabavku roba- Laboratorijska oprema, **LOT 3 – Binokularne i trinokularne lupe sa kamerom.**

Utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: četiri;
- da su blagovremeno zaprimljene četiri ponude, od kojih su dva kvalifikovana ponuđača.
- da je ponuda ponuđača Analitika d.o.o. Sarajevo i Dijal „M“ d.o.o. Sarajevo u skladu sa tenderskom dokumentacijom.
- da ponuđač Hidraulika Hukić d.o.o. Tuzla nije dostavio ponudu na korigovanom Prilogu 3. Tenderske dokumentacije, koji je bio obavezan prilog u ponudi koju dostavlja ponuđač za predmetni lot. Dopisom, broj: 01/01-2227/6-20015 od 05.10.2015 korigovan je Prilog 3 za LOT 3 BINOKULARNE I TRINOKULARNE LUPE SA KAMEROM, koji je uredno dostavljen 05.10.2015. godine putem E-maila svima ponuđačima koji su preuzeli do tog momenta tendersku dokumentaciju, pa time i ponuđaču Hidraulika Hukić d.o.o Tuzla.

U skladu sa gore navedenim i članom 68. stav (4) tačka i) Zakona o javnim nabavkama (“Službeni glasnik BiH”, br. 39/14) kao ponuda koja nije potpuna i ne ispunjava zahtjeve iz tenderske dokumentacije, ponuda ponuđača Hidraulika Hukić d.o.o. Tuzla se odbacuje, te se kao takva ne uzima u daljne razmatranje.

- da je ponuđač Emeding d.o.o Sarajevo dostavio ponudu uz koju je priložio katalog/brošuru za svaku stavku u specifikaciji (1.1-1.3) na engleskom jeziku, a nije dostavio prevod ovjeren od strane ovlaštenog sudskog tumača, što je bio obavezan, kako je precizirano u tački 22. (jezik i pismo ponude) tenderske dokumentacije koja glasi:

„Ponuda se dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Izuzetno dio proratne dokumentacije (katalozi, brošure, i sl.) može biti i na drugom jeziku, ali u tom slučaju obavezno prilaže i prevod ovlaštenog sudskog tumača za jezik sa kojeg je prevod izvršen.“

Tenderskom dokumentacijom je predviđeno da ukoliko ponuđači u ponudi dostave i katalog/brošuru na drugom jeziku, koji nije jedan od službenih jezika Bosne i Hercegovine, u obavezi su priložiti i prevod istog ovjeren od strane ovlaštenog sudskog tumača.

U skladu sa gore navedenim i članom 68. stav (4) tačka i) Zakona o javnim nabavkama (“Službeni glasnik BiH”, br. 39/14) kao ponuda koja nije potpuna i ne ispunjava zahtjeve iz tenderske dokumentacije, ponuda Emeding d.o.o. Sarajevo se odbacuje, te se kao takva ne uzima u daljne razmatranje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-2600/5-2015 od 23.10.2015. godine, navedene ponude ispunjavaju uslove u skladu sa tenderskom dokumentacijom otvorenog postupka i smatraju se prihvatljivim, te je na osnovu toga sačinjena rang lista prihvatljivih ponuda, **počevši od napovoljnije:**

Rang lista ponuđača

R.br.	Naziv/ime ponuđača	Ponuđena cijena (bez PDV-a)
1.	Analitika d.o.o. Sarajevo	11.206,46 KM
2.	Dijal „M“ d.o.o. Sarajevo	11.513,00 KM

Dopisom, broj: 01/01-2600/2-2015 od 20.10.2015. godine zatraženo je mišljenje stručne osobe, koja je pripremala specifikaciju za predmetni lot da dostavi mišljenje da li ponuđeni predmet nabavke odgovara specifikaciji i da li su ekvivalentni predmetu nabavke. Mišljenjem, broj: 01/01-2600/3-2015 od 20.10.2015. godine je konstatovano da ponuđači Analitika d.o.o. Sarajevo i Dijal „M“ d.o.o. Sarajevo nude ekvivalent, koji u potpunosti odgovara predmetnoj specifikaciji.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 3 (tri) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može ce izjaviti žalba, najkasnije u roku od 10 (deset) dana od dana prijema ove odluke.

DEKAN FAKULTETA

Prof. dr Rifat Škrijelj

Dostaviti:

- Ponuđaču: **Analitika d.o.o. Sarajevo**
- Ponuđaču: **Hidraulika-Hukić d.o.o Tuzla**
- Ponuđaču: **Dijal M d.o.o. Sarajevo**
- Ponuđaču: **Emeding d.o.o. Sarajevo**
- Dosije nabavki
- a/a